



# OKUJJUKIZA

## OKUJJUKIZA ABATEELEKA ENSIMBI MU BBANKA EZ'OBUSUUBIZI N'EBITONGOLE BY'ENSIMBI EBIRALA OKUZZA OBUGGYA EBIWAANDIIKO EBIBAKWAATAKO

**Kampala, October 12, 2020** - Bbanka ya Uganda Enkulu (Bank of Uganda) awamu n'ekitongole ekivunaanyizibwa ku kukuuma ensimbi z'abaantu eziterekebwa mu bbanka ez'enjawulo (Deposit Protection Fund of Uganda), bajjukiza bakasitooma bonna aba bbanka ezebyobusuubuzi awamu n'ebitongole ebirala ebitereka ensimbi z'abaantu n'okuwola, nga birung'amizibwa bbanka ya Uganda enkulu, okuzza obuggya ebiiwaandiiko ebibakwaatako mu bitongole ebyo.

Mu nteekateeka eno, bino wammanga byetaagisa:

- 1) Ennamba (NIN) eri ku ndagamuuntuyo ey'eggwanga (National Identification Number).
- 2) Ebikwata ku ngeri endala gy'osobola okusasulwamu singa kiba kyeetaagisizza. Eno esobola okuba akawunta mu bbanka endala oba ennamba y'essimu gy'okozesa okufuna n'okuweereza ensimbi (eya Mobile Money).

Ekitongole ekivunaanyizibwa okukuuma ensimbi z'abantu eziterekebwa mu bbanka ez'enjawulo (Deposit Protection Fund of Uganda) kyetaaga okuzza obuggya ebibakwaatako byammwe okubasobozesa okubeera obuliindaala okusasula amaangu ddaala abatelesi era mu budde ensimbi zaabwe zebaba baatereka mu bbanka zaabwe singa bbanka yonna ebeera eggaddwa nga kizuliddwa nti tekyalina busobozi kuddukanya mirimu egigisuubirwamu. Obuvunaanyizibwa buno buweebwa ekitongole kino (Deposit Protection Fund of Uganda) mu tteeka erifuga ebitongole by'ebyensimbi erya Financial Institutions Act, 2004 n'ennongoosereza ez'enjawulo ezizze zirikolebwamu.

Bbanka ya Uganda enkulu etwaala omukisa guno okugumya abantu mwenna nti ekisaawe ky'ebyensimbi mu Uganda kisigadde kinywevu.

Olw'ekirwadde kya ssenyigga omukaambwe (Covid -19), bakasitooma ba bbanka bonna bakubirizibwa okutukirira bbanka zaabwe ez'enjawulo zibalung'ameye ku ngeri gye bajja okuzza obuggya ebiiwaandiiko ebibakwatako mu bwangu nga bwekisoboka.

**Okumanya ebisingawo tuukirira:**

**Bbanka Enkulu eya Uganda ku [info@bou.or.ug](mailto:info@bou.or.ug) oba**

**Deposit Protection Fund of Uganda ku [info@dpf.or.ug](mailto:info@dpf.or.ug) .**



Prof. Emmanuel Tumusiime-Mutebile  
Governor  
Bank of Uganda



Julia Clare Olima Oyet  
Chief Executive Officer  
Deposit Protection Fund of Uganda